



**Corpus Juris Canonici, Per Regulas Naturali Ordine
Digestas, Usuque Temperatas, Ex Eodem Jure, Et
Conciliis, Patribus, Atque Aliunde Desumptas, Expositi**

Opus, Tum In Rebus Obscuris Claritate, Tum Dispersis Collectione ac
delectu, in contrariis conciliatione, eximium, simulque Indicibus ac
Præfationibus, Notisque quamplurimis & exquisitis illustratum, ; In Tres
Tomos divisum

Complectens Prolegomena Ad Jus Canonicum In Se Et Universim
Consideratum

Gibert, Jean-Pierre

Coloniæ Allobrogum, 1735

Argumentum, Titulus & Præfatio Operis ad nostrum magis accendentis.

[urn:nbn:de:hbz:466:1-74413](https://nbn-resolving.de/urn:nbn:de:hbz:466:1-74413)

in Corpore, esse *Commissarium*, coram quo negotium informatum & decisum fuit. 5. Auditores ter in hebdomada pro Tribunal sedent, omnes enim Decisiones in utraque Collectione compilatae, Luna, Mercurii, aut Veneris diebus late sunt.

6. Congregationes de Regularibus, de Causis Episcoporum, Cardinalium Tridentini Concilii Interpretum, aliquando Rotam consulunt; plures *Decisiones illud* indicant.

Multa supersunt observanda in illis *Decisionibus*, quae hic omitimus, quoniam ea non spectant Capita in Indicibus sive Extratris superioribus commemorata. Adjiciemus duntaxat, eas *Subscriptione carere*, multas non esse contradictorias, ut potè quae juxta unius Partis informationem data sint; ceteræ sunt contradictorias, quae utraque Parte informante data sunt. Ha ab illis distinguntur, his verbis, quibus clauduntur, ita *decisum, vel conclusum, vel resolutum utraque Parte informante*. In illis dicitur, una Parte informante. Illæ saepius retractantur, cum Pars, quæ audita non fuit, audienciam postulat, atque imperat. Multa versantur circa res mere temporales, nempe Successiones ab Intestate, Testamenta, Donations. Quod mirum esse non debet, quoniam Pontifex, à quo Tribunal illud Jurisdictionem suam accipit, Princeps est Temporalis, non secus ac Spiritualis. Partim, ob eandem causam, idem Tribunal noscit de Possessorio omnium Rerum Ecclesiasticarum, etiam Mixtarum, Patronatus, Beneficiorum, Decimatarum, Census & Procurationis, Oblationum.

TITULUS XXV.

Observationes circà Opera facta ad progressum in Studio Juris Canonici, sive Speculativo, sive Prædictivo, faciliorem præstandum, ubi specialiter discutiuntur ea, quæ Ius illud in Regulas distributum continent.

CAPUT UNICUM.

Ubi confertur Methodus VIGELIANA, cum Opero, quod in lucem damus.

Absoluta Collatione Corporis Juris Ecclesiæ Latinae cum Corpore Juris Ecclesiæ Græcæ, mutuæque Partium Corporis ejusdem Comparatione, item Collectionis GRATIANI, cum omnibus, quæ eam præcesserunt, aut fecuta sunt: & sic dārā justa notio ne Juris utriusque & Partium, quibus constat, per observationem rerum eis communium, aut peculiariū; similem duximus instituendam esse Collationem Operum nostrorum affinium, ad procurandam illorum cognitionem observandumque eorum à nostro discrimen, aut similitudinem. Hoc aliis destruc tis ac depressis substituere, eique palnam dare nullatenus intendimus, nihil Viro Juri operam danti, turpius reputantes, quām oblivionem aut neglectum præcipui Praeceptorum eius, quo Jus suum cuique tribuendum esse, admonemur.

ARGUMENTUM, TITULUS ET PRÆFATIO Operis ad nostrum magis accedentis.

Primum illorum Operum, à quo exordiemur, est Liber NICOLAI VIGELII inscriptus, NICOLAI VIGELII de Dreifa, Hessorum Jurisconsulti, *Methodus Universi Juris Pontificii*, sive quia magis nostro instituto affinis est, sive quia valde commendatur in Titulo, *absolutissima*. Plures ipsius factæ fuerunt Editiones; ea, quæ utemur, est Basileensis anni MDCXVI, quæ dicitur in Titulo, methodo Juris controversi aucta; nunc demum *Additionibus methodi Juris controversi aucta*. METHODUS hæc dividitur in *Quinque Libros*, in quibus Juri Canonico Jus Civile jungitur, ut ostendatur eorum discrimen aut similitudo. Opus Tom. I.

Archiepiscopo *Moguntino* dicatum est, ut probat inscriptione & ipsius Libri, & Præfationis. In hac Autor consilium exponens, Theoriæ Praxi accommodandæ, necessitatem agnoscit, jungendorumque Principiorum Juris, Consuetudini Forensi, methodi condenda in Scholis & in Jure utilis; reducendarum omnium Caſularum in Quæſiones Juris, mutatis in Theses Hypothesibus, adjuvandorum Patronorum in reperiendis rationibus Partium litigantium, iisque facile propugnandis, & Judicum in iis, ad Litium Definitionem, justè applicandis. Hoc sibi persuadens, sibi proponit expositionem Juris per Actiones sive Regulas, Exceptiones, Replications, Duplications, Triplications, & sic contendit, se omnibus profuturum; quippe Jus Actoris vulgo fundatur in aliquo Principio aut Regulâ Juris, cui Reus Exceptionem opponit; Prima autem Actoris responsio vocatur *Replicatio*; Secunda Rei, *Duplicatio*: Secunda Actoris, *Tripli catio*: & sic deinceps. Verba hæc, & res, quam significant, usurpata fuere in Galliis, ut disceatur ex Artic. III. Tit. XIV. *Constitutionis* an. MDCLXVII. Sic concepto. *Abrogamus n̄ sūm Duplicationum, Triplicationum, additionum Primarum & Secundarum, aliarumque Scripturarum similiū; veteram, ne quilibet Judex eorum rationem habeat, aut eos in taxam admittat*. Hæc eadem verba explicantur à CANISIO in *Summa sua Juris Canonici Lib. IV. Tit. VI. §. ult. de Replicationib. & Duplicat. inscripto*. Atque hæc quoad exceptiones Rei convenienti, que nonnunquam contrariai exceptionibus rursus ab ipso Actore retunduntur; quæ proprio nomine vocantur *Replications*, quasi per eas replicentur, id est, resolvantur exceptiones Rei. Que si rursus, aliis Exceptionibus à Reo impugnantur, vocantur *Duplications*, & contrahas solent dari *Triplications*. Rursus contra *Triplications*, *Quadruplications*, & ita deinceps, Que tamen multiplicatio de Jure Canonico non admittitur, saltem quod ad testes ante productos atinet, quos tertio refutare non licet, ne nimium extrahatur *Judicium*: de quibus rebus fusis agetur infra suis locis.

De Regulâ accipimus id, quod VIGELIUS de Actione dicit, quia in totius Operis curriculo REGULAM vocat id, quod in *Præfatione ACTIONEM* nuncupaverat. Eiusmodi rationes sive media ipsi adēd necessaria videtur ad item, ut existimat iis fieri contestationem litis, quæ est fundamentum litis, *Licet enim, inquit, omnes fateantur litis contestationem Iudicii fundamentum esse; quid tamen litis contestatio sit, & quomodo contestanda, nemo intelligit, & ita in ipso Iudicii Fundamento aberratur ab omnibus*: tūm adjicit, juxta Legem SEVERI & ANTONINI, item contestatam videri, cum Judex, exposito in iudicio negotio, causam audire cœperit; unde concludit, Contestationem fieri, cum per Actionem, Exceptionem, Replicationem &c. Judex statum Causa cognoscere cœperit, „*Imperatores SEVERUS & Antoninus Augusti, Lis, inquit, tunc contestata videtur, cum Index per narrationem Iudicii, causam audire cœperit*: quorum „verborum sensus hic est, item contestatam videri, „cum per Actionem, Exceptionem, Replicationem, „& alia hujusmodi Causa argumenta, in Jure utrimque que proposita, Judex id, in quo Causa constituit, „seu statum Causa, cognoscere cœperit; nec enim „audire Causam alio speciat, quām ut Judex statum „totius negotii cognoscat. Itaque juxta illum, Lis seu Causa non censetur contestata, nisi perfidè informata sit, quod verbis sequentibus magis inculcat. *Quod igitur in Iudicio Actio proponitur, excipitur, replicatur, duplicatur &c. omne eo pertinet, ut Iudici Statu negotii constare possit*. Circā quod aliter sensit, quām ceteri, ut offendetur agendo de Litis contestatione. GONZALEZ in Cap. I. de Litis contestatione, genuinum Legis ab Autore laudata sensum, ab ejus opinione longè diversum aperit.

Cum postea ostendisset Advocatos & Judices omnes Causas ad Quæſionem Juris reducere debere laudatisque hanc in finem CICERONE, veteribus Juris

Z con-

consultis, atque Imperatoribus; & proinde Causas in Tribunalibus agitandas esse eadem methodo, quā Quæstiones Juris in Scholis, objicit 1. Imperatores in Scriptis suis Circumstantiarum, Personarum ac Rerum, mentionem facere. Respondet, eos in Decitione, non hæc in specie Facti, sed transire ad Quæstionem Juris in ali ortam, & describendo v. g. *TITIUM*, qui *Stichum Servum* ante Calendas Martias dare promiserat, ipso ante diem mortuo, sine dolo & fraude *TITII*, à promissione suā liberari; definire, debitorē a debito liberari per interitum rei debitā, antē diem solutionis, sine culpā ac dolo accidentem.

Sibi objicit 2. Leges aliquandō præcipere Judicibus, ut faciliores aut severiores sint pro qualitate Personæ aut Causæ. Respondet, hoc non habere locum nisi in Causis, quarum Judicium voluntati ac prudenter Judicis permittuntur; in his autem casibus contestationem Litis non esse necessariam, Judicemque Statui Causæ non alligari. Reftiū, ut opinor, respondisset, si dixisset, Personæ aut Causæ qualitatem, tunc maiorem aut minorem severitatem poscere, & sic illas etiam Causas ad Quæstiones Juris reduci.

Sub finem pollicetur, Juventutem, quā suā Methodo in Scholis utetur, ad pugnas Forenses aptiorē proditram, & sic fore (quod in Præfatione prima Editionis promiserat) ut instituantur Viri, qui plures Lites uno anno conficiant, quā ante decenniū annorum spatio, absolvebantur, certiorique modis id exequantur. Obiter asserit, se Operi suo inservuisse, quidquid in Jure Canonico reperit, quod ubique Pontificum vocat, perinde aī solo Summo Pontifice emanaret. Factum hoc facile probari posset. Solum Argumentum Censurarum contraria Parti favet, perinde ut Materia Religiosorum. Hic iterat, quod jam in *Titulo* dixerat, se Jus Civile, cum Jure Canonico conferre, & declarat, se, sicut in suā *Juris Civilis Methodo*, abstinuit a præferendā sententiā suā circa Quæstiones, quas agitavit, similem in hac ratione secundum fuisse. Hoc quidem expresse non facit, satis tamen opinionem suam promitt, per applicationem Textuum ad Juris Quæstiones, eos à genuino sensu in suum detorquendo, ut patet ex pluribus exemplis mox referendis.

Nescimus quem successum habuerit hæc Methodus, discimus duntaxat ex initio Præfationis, eos qui Tribunalia Justitia frequentabant, coactos fuisse eam suspectam Principibusque odiosam facere. Unde ille protectioni unius ex iis Principibus eam committit, ipsamque à Criminationibus purgare nititur, propositis commodis, quæ ab eā emersura sperat. Forte ob novitatem initio neglectam ac rejectam, usus deinceps istam Methodum gratiorem fecit. Ut ut sit, constat Librum magnā sui parte esse bonam, magnamque ex eo utilitatem hauriri posse, ad cognoscendam Sedem Argumentorum: & methodum ea tractandi, tam in Scholis, quam in Foro.

Si Judicium de Operे feratur ex Præfatione, illud magna obscuritate magnaque implicatione laborat, ob Replications, Duplications, Triplications, quæ reduci potuissent ad Regulas, aut ad Exceptiones; quidquid enim non continetur sub Exceptione, ad Regulam pertinet; cùmque Exceptio generalis est, ipsa est species Regula, alii latiori Regula subordinata, & sèpè, sicut ipsæ Regulae, suas infimas Exceptiones habet. Ha observationes probabuntur, ubi Corpus Operis aggrediemur: sed prius duo sunt prætandata; 1. Respondendum est objectioni adversus id, quod diximus, de affinitate Operis illius, cum nostro, in eo, quod Argumenta exponat per Regulas, & Exceptiones, quemadmodum faciemus in nostro; scilicet, dici potest, Autorem, per Exceptionem intelligere Defensionem, sicut, per Regulam, intelligit Actionem, aut Petitionem: consilium ejus esse supeditare Partibus, Actori ac Reo, vel Patronis eorum, rationes Jus suum propugnandi nec non Judicibus, media de illis certo ac jutē definiendi. Nos autem

per Regulam intelligimus Principia Juris Generalia ac Specialia, consequentias eorum Immediatas, aut mediatas, proximas, aut remotas; per Exceptiones verò, causas sub Regulis propositis non contentos; nostrumque institutum esse, illas ordine naturali disponere; ita, ut continuā serie, circa quodvis Argumentum ac partes ejus, rep̄eriantur ea, quæ Jus docet. Scilicet 1. Rerum vocabula, & significations. 2. Natura earum, similitudo earum, ac dissimilitudo cum rebus affinis. 3. Varia species illarum; 4. Earum causæ, quo sub nomine comprehenduntur earum Finis, Forma, Persona, quæ Jus habent eas faciendo, Personæ, quarum gratiā aut in quas fiunt, cum Actiōibus vel omissionibus in quas cadunt; quod vulgo exprimitur in Scholis per causas efficientes, materiales, formales, finales; 5. Earum Effectus; 6. Earum Proprietates, & vīz, quibus destruuntur. Item laboramus non solum ad Usūm Forensem, sed etiam ad gratiam omnium, qui Decisionibus Juris methodicè ordinatis indigere possunt, sive Simplicium Fidelium, Jurisdictionem habentium, aut secūs; sive Ecclesiasticorum Virorum, tam Sæcularium, quām Regularium, in Dignitate constitutorum aut secūs, ad alios de iis erudiendos, aut ad peculiarem suum profectū, tam pro Foro interiori, quām pro Foro exteriori, Judicario, aut Extrajudicario: uno verbo, nos omnes Actions observamus & exequimur, ob quas haec Decisiones factæ fuerunt.

Et objectio solvenda, quām illustrare & in sua extensione proponere curavimus, nullā ex notabilioribus differentiis nostri Operis à VIGELIANA Methodo dissimilatā. Jam respondemus, illa omnia discrimina non obstat, quoniam hæc Opera validè affinia sint; nam Petatio, qua justa est, semper fundatur in Principio Juris, quod vocari potest Regula, v. g. cùm quis petit rem, quam acquisivit, aut Testamento, aut Successione ab intestato, Donatione, aut Emptione, vel Permutatione, Actio ejus innititur omnibus principiis Juris, quæ docent, Testamentum, Successionem ab intestato, Donationem, Emptionem, Permutationem, esse Titulos Acquisitionis legitimos. Defensio autem nullam vim habet, nisi quatenus Reus non citi in casu Regularum, quæ Actionem legitimam faciunt. Nempe, vel quia Titulus Actoris nullus est; vel quia Reus bona fide præscripsit. Itaque Defensio legitima congruo nomine vocatur Exceptio sumpta, ex eo quod casus, in quo Reus est, non continetur in Regula legitima Actionis.

Itaque, si Autor propositum suum ritè implevisset, pro Regula tradendo duntaxat Textus legitimos, adhuc subsistentes, atque Argumento congruos, similesque Textus pro Exceptionibus; aut monuisset de abrogatione, aut falsitate Textuum: si justas Divisiones fecisset, quarum membra in aliis contenta non essent; si semper dedisset Suminam Textuum pro Regulis aut Exceptionibus laudatorum, eosque ubi opus erat, exposuisset, ad tollendas difficultates ex eorum obscuritate ortas; si eos perspicue ac solidè conciliaisset; multum licet mole minus sit, ad nostrum accessisset; in quo confidimus hæc omnia discendi ritè Juris Canonicis adjumenta reperiiri.

Alterum Caput absolendum priusquam Methodi Corpus aggrediamur, est discussio Divisionis ejus, in quā Autor, servato numero Librorum Decretalium, Titulos, eorum mutavit, sicut ordinem Rerum. Id probatur per

OBSERVATIONES circa DIVISIONEM Operis.

Quamvis Divisiones Operum, atque ordo Rerum sèpè arbitrii sint in multis Capitibus, quia cùm Res multas facies habeant, vario modo disponi possunt; eos tamen, qui scribunt circa Opus publicā autoritate consecratum, & nihil aliud intendunt, quām illud utilius efficere, usumque ipsius faciliorem præstare. Superflua amputando, vītia ejus temen-